



NAAGADAWENDAN JIBWAA MAAMIIGIWEWIN

Wiji'iwewinan Facebook, MediaSmarts zhigwa Aboriginal Peoples Television Network onji



Ninoondaamin ako onizhishing gegoon miigiweyan. Gegoon onachigewinan, gigashkitoomin ji-maada'ookiiyang aanin ayinendamang, gimazinaakiziganinaan gaye bakaan awiyag onji.

Geget onizhishin gegoon ji-waabanda'iweyang. Giishin idash aangwaajizisiwang wegonenan miigiweyang, maagizhaa gidaa-nanaapaganji'idizomin gemaa bakaan awiya. Dago gaye, naagadawendan giishpin gegoon waabanda'iweyan, maagizhaa bakaan awiya daa-waabanda'iwe. Mii iwe ji-onji-naagadawendaman akawe.

GIIN DEBENDAMAN

Apii dibaajimotaadizoyan wiindamaageyan – abooshke mazinaakizigan, mazinaatebijiigan gemaa abooshke gidaginjiiganan gigiigidowining – naagadawendan maagizhaa awiyag nendawenimaasiwadwaa ji-gikendanzigwaa oga-ayaanaawaa'.

Minjimendan gaye gegoo ji-ikidosiwan apii bazhinigiizhwesiwan – daabishkoo nishkaadiziwan, gashkendaman gemaa ombi'aawan. Akawe aate-ayaan jibwaa gegoon izhibii'igeyan.

Zhigwa, gagwejjindizon:

- ✓ Mii na owe ji-izhi-waabamigoowaan?
- ✓ Awiya na gegoo nindaa-doodaag? Nindaa-minwendam ina awiya bakaan waabanda'aawaad?
- ✓ Wegonenan maawanj ge-maanzhiseyaambaan owe waabanda'iweg?

Gaawin biindigewinan ji-gikenjigaadegin: Gegoon ji-miigiwesiwan ji-waabanjigaadegin. Aanind awiyag gekenindiwaad maamiinidiwag obiindigewiniwaan apii minoseg, naanigoding dash gidaa-nanaapagaanji'igon naagach.

Mazinishinowin da-ani-gaagige ayaamagad: Aanind awiyag maagizhaa noonde-waabanda'iweyag mitaakozhagewaad awiyan wiidaakizomaawaad – maagizhaa gaye awiyan wii-wiijiwaawaad – inendamowaad omino-wiijiwaawaan. Wiinge 'aangwaamizin' – gegoo aaniish mazinaakideg nawach ginwenzh da-ayaamagad apiichwiin wiijiwewin.



Minjimendan giishpin awiya gagwejjimig gegoo ji-waabanda'iweyan, gegoo nayendanziwan, gidaa-gashkitoon 'gaawin' ji-ikidowan. Giishin awiya zaagi'ig gemaa manaaji'ig gaawin giga-maanaashodamaagosii.

Zhemaag angwiig, gaawin idash gegapii angwiisinoon: Aanind aabajichiganan gemaa gaa-waabanda'iweg gegoon ikidoomagadoon zhemaag wii-gaasii'iwemagakin. Bakaan idash daa-izhichigem – awiya odaa-mazinaakizaan – onjida dash gwayak ji-izhichigeyan gegoon wii-waabanda'iweyan.



FacebookEKIDONG:

1

Gaawin gibiindigewinan ji-miigiwewin. Gego awiya miinaaken gibiindigewin. Aanin ji-doodaman, izhaan: facebook.com/help/securitytips

2

Waabandan ji-biindige'oosinowin imaa: facebook.com/privacy awenen ge-waabandang giwaabanda'iweyin.

3

Waabandan awenenag waabandamowaad gegoon atoowan imaa Facebook, ji-gikendaman andawenimadwaa ji-waabangewaad.



BAKAAN AWIYAG DEBENDAMOWAAD

Awia gegoo izhinizha'amaag, gaawiin gegoo inendanziwag bakaan awiyag waabandawidwaa. Giishpin dash gechinaawisiwan, naagadawendan jibwaa doodaman. Nawach ji-gagwejimad awe gaa-izhinizhamawig daga ji-inendamowaapan awiya bakaan ayaad gemaa aanike-miigiwed. Mii-go bezhigon awiya mazinaakizigan gemaa mazinaatebijigan izhinizha'amaag: gagwejim jibwaa aanike-waabanda'iweyan.

Giishin awiya gegoo waabanda'ig awiya bakaan mazinaakizod, gagwejindizon:

- ✓ Awe gaa-izhinizha'amawid, onandawendaan ina ji-waabanda'iweyaan?
- ✓ Onandawendaanaawaa' na igi imaa gaa-mazinaakizowaad?
- ✓ Aaniin ge-inendamaan waabanjigaazowaan ji-waabanda'iweg?



Giishpin wedisigowan maanaakizod awiya, maagizhaa daa-agajiwag gemaa odaa-migoshkaaji'igonaawaa. Gego aanike-waabanda'iweken. Maagizhaa awe gaa-izhinizha'amaag ji-michi-baapitoowan, maagizhaa dash bakaan awiya bakaan odaa-inendaan.

Niibowa awiyag – memindage giizwensag – wiiijiwaaganiwaa' ogagaanzomigowaa' ji-waabanda'iweaad mitaakozhagenid awiya'. Ningoding ako gizanagi'igon gegoo ji-doodaman, aaniin idash ge-izhi-maanadoowaangwen giijiwaaganag.



GWYAKOCHIGEWIN GEGOO MAANZHISEG

Gakina awiya nitaa-banichige naanigoding. Gaawiin idash ji-bagijiiyan gegoo ji-maamiinochigeyan.

Giishpin gegoo ji-gii-waabanda'iwesiwan, zhemaag gagwejim igi gaa-gii-izhinizha'amawadwaa ji-aanike-waabanda'iwesigwaa.



Giishin awiya gegoo waabanda'iwed gaa-gii-izhinizha'amawad, gagwejim ji-gaasii'amawaad. Nitaa-minose owe izhichigeng. Minjimendan gaawiin gegoo ji-izhichigeyan nishkaadiziwan: akawe aate-ayaan, giishin gashkitoowan, gaganoonzh awe giigidowining.

Giishpin idash wii-gaasiibii'anzigwaa, maagizhaa gidaa-waabanda'iwe gegoon gii-izhinizha'amawikwaa ji-agajitamawaapan gemaa boonimaasiwadwaa gemaa giijiwaaganag ji-andagi'aasigwaa. Owe dash wiin, gegaa daabida nawach nitaa-maanzhise. Zhigwa miinawaa, epiichi-gagwe-diba'amawadwaa, nawach giga-inenimigoo gegiin iwe gidizhichigewin.

Giishpin gikinawaajitoowan mazinaakizigan jikendanziwan, gikendan niibowa waabanda'iweaad mazinakiziganan gaawiin memwech giwiinzowin ji-ozhibii'igaadeg. Imaa Facebook-ing, gidaa-giitwaami-waabandaanan gaa-gikinawaajitoowan mazinaakiziganan giin eta ji-aabajitoowamban: [facebook.com/privacy](https://www.facebook.com/privacy).



Ishke
dash!

Giishpin Facebook ayaayan zhaagwenimowan awiya gegoo ji-inad gemaa gwiinawi-ikidowan, Facebook odayaan iwe **ji-dibaajimowan** awiya gegoo izhinizha'amaag ge-aabajitooyamban aaniin gaye awiya nagadenimad ji-wiiji'ikipan.

Gegoo gechi-ayaamagakin daabishkoo mitaakozhageyan mazinaateshinan gemaa mazinaatebijigoowan, memindage anoojigo inakizigowan (debwemagasinog dago maanigaabawigowan) gemaa anishaa miikinji'ig awiya, gidaa-gagwedwe ji-giishkinigaadeg. Iwe dinookaan, gidaa-wiindamawaag gaye zhimaaganishag.




Giishin awiya maanishodamaag wii-waabanda'iwed mitaakozhageyan giishpin awashime dino mazinaakiziganan miinaasiwad – gichi-aya'aa gidaa-wiiji'ig mii izhi-ganoonzh zhemaag zhimaaganishag. Gaawiin onizhishinzinoon, miziwekamig gaye bookonaakonigewin iwe.



Aaniin ji-aabajitoowan ji-dibaajimowan

TGiiyaabi noonde-gikendaman iwe maminzhigewin gemaa wiindamaageyan gegoo imaa Facebook, omaa izhaan facebook.com/report.

Minjimendan bezhigosiwan – gidaa-wiindamawaag bakaan awiyag ji-wiiji'ikwaa daabishkoo gini'igoog, owiiji'iwe gemaa owiiji'iweg ji-ganoonidwaaban.



GIBI-WIINDAMAAGOOG:



GIIYAABI GEGOON NOONDE-GIKENDAMAN, OMAA INAABIN:

MediaSmarts
mediasmarts.ca

Facebook Wiiji'iweg Inawemaaganag onji (Facebook Family Safety Center)
facebook.com/safety

Ji-miikinjigoosiwan Wiiji'iwewin
facebook.com/safety/bullying

Facebook Wiiji'iwewin (Facebook Help Center)
facebook.com/help

Aboriginal Peoples Television Network
APTN.ca